

ЖАТАҚХАНАЛАР ЖӨНДЕУДЕН

ӨТТІ



М.Әуезов атындағы Оңтүстік Қазақстан мемлекеттік университетінде 14 500 студент білім алса, мұнда 1 586 студент жатақханамен қамтылған. Осы оқу ордасына тиесілі №4 жатақханада күрделі жөндеу жұмыстары жүріп жатқандықтан ондағы студенттер өзге жатақханаларға бөлініпті.

Ал, Оңтүстік Қазақстан мемлекеттік педогогикалық институты 600-дей студентті жатақханаға орналастырған. Оқу ордасында 3 200 студенті болса, оның тек 620-на ғана жатақхана қарастырылған. Жуырда ғана 12 қабатты «Студенттер үйі» пайдалануға беріліп, студенттер қуанышқа кенелген болатын. Заманауи талайқа сай салынған ғажап ғимаратты мекен ету кез келген студенттің арманы.

Оңтүстік Қазақстан мемлекеттік фармацевтика академиясының жатақханасы биыл күрделі жөндеуден өткізілді. Мұнда жастарға бар жағдай жасалынған. Жаңа оқу жылына орай жаңадан газ плиталары, тоңазытқыш, әр бөлме жиһаздармен жабдықталған. Өзге жатақханалардан өзгешелігі, мұнда аула гүлге көмкерілген. Айнала көкорай шалғынға

малынып тұр. Мұнтаздай тазалық салтанат құрған. Көрген көз қуанарлықтай.

Аталмыш үш жоғарғы оқу орнында жатақханада тұру ақысы жылына 23-25 мың теңгенің аралығында.

Облыс орталығындағы жоғары оқу орындарының басым бөлігі жатақханамен қамтылған. Жатақханалардың дені тегін ғаламтормен қамтылып, электронды кітапханамен жабдықталған екен. Бұның студент жастарға іздену үшін көп көмек көрсетері анық. Оның үстіне жатақтардың басым бөлігі жыл сайын күрделі жөндеуден өтіп, заманауи үлгіде жаңаланып тұрады. Мұнда орналасқан соң әрине барлық студентке қойылатын өзіндік талаптары бар. Мемлекет мүлкін зақымдамау оған барынша қамқорлықпен қарау талап етіледі.